



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Vitæ S. Ferdinandi, Regis Castellæ Et Legionis, Ejus
Nominis Tertii**

Papebrochius, Daniel

Antverpiæ, 1684

Approbatio Ordinarii

urn:nbn:de:hbz:466:1-42333

APPROBATIO ORDINARII

Tum demum felices fore Republicas, cum vel Philosophi regnarent, vel philosopharentur Reges, dictum unius ex Antiquis fuit; verissimum, si Christiane intellectum; ita scilicet ut Philosophia nomine accipiatur ejus, quæ unica & sola vere Sapientia est, amor & studium; Virtutis, inquam, secundum Christi Dei nostri disciplinam consummatæ. Hanc quomodo semper sestatu fuerit *FERDINANDVS III.* re & nomine *SANCTVS REX*, etiam in illo supremæ potestatis culmine, luculenter demonstrant ejus Acta, hoc in libro ex Coævorum fere scriptis collecta. In quibus atque in adjunctis *R. P. Daniellis Papebrochii S.J.* *Theologi* historicis Annotationibus & Commentariis, non modo nihil reperi aut sanæ fidei aut bonis moribus contrarium; sed multum etiam sanctæ ædificationis & eruditionis curiosæ. Proinde censeo expedire, ut præsens opusculum, sumptum ex Actis Sanctorum Maji posterioribus, quæ in tres alias Tomos divisa sub prælo sudant, præmittatur; velut specimen allatum ex vernantissimo omnigenæ varietatis horto, quem speramus brevi totum aspicere omnium visibus & usibus reseratum. In hujus itaque pulcherrimi floris contemplatione tantisper fixi, laudemus Deum, & gratulemur inelytis Hispaniarum Regnis, quæ *FERDINANDVM* sibi Regem, Ecclesia Propugnatorem, Cælo Sanctum, Principibus exemplar, omnibus Patronum protulerunt. Nabam Antwerpia 1684, 9 Martii.

*Antonius Hoeflach S. T. L. Eccl. Cathol.
Can. Grad. Librorum Censor.*